

UN

POCO

DI TUR COS

Jossy M. Mansur

Na Merca tin un organizacion cu yama "Marketing Science Institute. Esaki a reporta cu casi ningun mucha ariba 10 aña di edad ta kere cu e propagandan pa pasa na television ta berdad.

Segun e entendidonan, e mostaza cu bo ta pone ariba bo hotdog of bo hamburger ta haci bo curazon bati mas poco poco!

Friedrich Nietzsche: "Dios ta morto; pero pasobra ser humano ta loque e ta, pa hopi mil aña mas lo tin cuevanan den cual su sombra lo aparece".

E ultimo victima di e tribon den "Jaws" tabata Quint.

E prome enemigo cu James Bond tabata tin ariba pantalla tabata "Dr. No".

E sonido mas duro scucha den historia ta e explosion na Augustus 1883 di e volcan Krakatoa, na e Estrecho di Sunda, entre Java y Sumatra. El a se scucha claramene na Bangkok, 1,413 milla leu, y na Ceylon, 2,058 milla leu, y menos claramente na Rodrigues Island, casi 3,000 milla distante.

Papa Silverius (536-537) tabata e yiu di un Papa, Homisdas (514-523), y Papa Juan XI (931-935 of 36) tabata e yiu di Papa Sergius III (904-911).

"Tranquility Base", e base situa na luna, lo cumpli 25 aña di ta ey dia 20 di Juli 1994.

Bo tabata sa cu na Chile, durante masha hopi tempo, tabata e custumbra pa feita pickpocketnan completamente pelon? Asina nan tabata facilmente reconocible pa e poblacion y esakinan por a conserva nan carteranan.

Bo tabata sa cu na Louisville, Kentucky, ta contra Ley tira un pisca cu arco y flecha?

Parlamento a aproba garantia pa Plantation B Resort

ORANJESTAD(AAN) -- Ayera den horanan di anochi, Parlamento a aproba e peticion di Gobierno pa para garantia pa Plantation B Resort.

Ministro Bermudez a duna di conoce na DIARIO cu e resort aki ta consisti di 420 suite luho cu lo worde construi pabao di Holiday Inn hotel.

Plantation B Resort lo costa 50 Mion Dollar di cual Gobierno lo para garantia pa 37 Mion.


Segun Ministro Bermudez ora e proyecto aki worde realiza e lo garantiza empleo permanente na 650 persona local sin conta durante e periodo di construccion.

Cu e proyecto aki segun Ministro Bermudez no solamente Aruba lo haya un otro hotel sino cu mas o menos a yega na realisacion di e plan di redobla e cantidad di cambernan na Aruba.

Preparacion ta tumando lugar

Divi Village lo consisti di 900 camber

Den e prome fase lo cuminsa cu 200 camber



ORANJESTAD(AAN) -- Preparacionnan ta worde haci pa construccion di Divi Village cu lo worde construi dilanti Tamarijn Beach Hotel.

Informacion cu DIARIO a ricibi ta indica cu e proyecto aki lo worde construi pa Bouw Maatschappij. E intencion ta pa construi Divi

Village cu 900 camber. Ya caba nan a haya luz berde di Gobierno y ariba e foto por mira e investigacionnan cu ta worde haci pa mira con lo mester bay construi e fundeshi.

Den e prome fase lo construi solamente 200 y despues lo sigui cu ampliacion. Recientemente tabata tin reunion di accionistanan di Divi Hotels y nan a bay di acuerdo pa cuminsa cu construccion di Divi Village.

Prolongacion di caarchinan geel y roos

ORANJESTAD(AAN) - Recientemente Minister di Bienestar General a dicidi pa prolonga caarchinan geel y roos te cu dia 31 di December 1988. Ta suplica tur persona cu actualmente tin caarchinan geel y roos pa pasa stempel nan caarchi ariba fechanan aki bao menciona na e siguiente sitioan:

Oficina principal di Departamento pa Asuntunan Social na Oranjestad: dia 5 te cu 7 di October.

Oficina auxiliar di gobierno na San Nicolas dia 5 te cu 7 October.

Oficina auxiliar di gobierno na Savaneta dianan 6 te cu 7 di October.

Oficina auxiliar di gobierno na Noord dianan 6 cu 7 October.

Ta stempel e caarchinan aki unicamente despues di merdia entre 1.30 cu 4'or.

Den caso cu esun cu tin caarchi ta malo o ta di edad, por laga otro persona trece su caarchi.

Despues di dia 7 October ta prolonga caarchi solamente na oficinanan na Oranjestad y San Nicolas.

Director di Departamento pa Asuntunan Social ta pidi cooperacion pa acudi mas tanto

posibel na e oficina di nan distrito.

DE DIREKTEUR VAN DE SOCIALE VERZEKERINGSBANK

maakt aan de werknemers en werkgevers van het Land ARUBA bekend dat m.i.v. 1 januari 1989;

-de premie voor de Ziekteverzekering ingevolge de Landsverordening Ziekteverzekering (PB 1966 no.15) 7 % bedraagt van het loon van de arbeider;

-de premies voor de ongevallenverzekering ingevolge de Landsverordening Ongevallenverzekering (PB 1966 no.14) al naar gelang de gevarenklasse volgens het Gevarenklassenbesluit Ongevallenverzekering (PB 1975 no.2), als volgt zijn vastgesteld,

klasse I	0.5 %	klasse VI	2.75 %
klasse II	1 %	klasse VII	3 %
klasse III	1.25 %	klasse VIII	3.75 %
klasse IV	1.75 %	klasse IX	4.25 %
klasse V	2.25 %	klasse X	5 %

-de premie ingevolge de Landsverordening Algemeen Ouderdomsverzekering (PB 1960 no.83) is vastgesteld op 7.5 % van het inkomen, waarvan 3 % ten laste van de werknemer en 4.5 % ten laste van de werkgever komt;

-de premie ingevolge de Landsverordening Algemeen Weduwen- en Wezenverzekering (PB 1965 no.194) is vastgesteld op 1 % van het inkomen, waarvan 0.5 % ten laste van de werknemer en 0.5 % ten laste van de werkgever komt;

-de premie-inkomensgrens voor de Landsverordening en Algemeen Ouderdomsverzekering en Algemeen Weduwen- en Wezenverzekering is vastgesteld op Af.30,888,00 per jaar.

-het maximumloon ingevolge de Landsverordening Ziekteverzekering en Ongevallenverzekering als volgt is vastgesteld:

Af.2.574,00 per maand of Af.594,00 per week.
Af.99,00 per dag ingeval van een 6-daagse werkweek.
Af.118,80 per dag in geval van een 5-daagse werkweek.

De Directeur,
Francisco de P. Ruiz